

痢

痢屬濕熱積滯分多少而治

脈滑或弦見于關腹痛後重者積滯多

脈洪而數口乾煩懣者熱多

脈緩而濡不渴身重便溺不利者濕多

寸關滑數有力腹痛後重屬積滯宜木香檳榔

丸下之

脈浮數外症身痛發寒熱挾外感者宜先解散

敗毒散主之○疫痢同法

初起脉浮數頭身不痛但發熱後重者宜小柴胡湯去參加香連芍藥檳榔

初起脉弦滑後重者必推蕩芍藥湯主之

下痢腹痛異常脉沉而緊無熱症者宜先以薑桂之類溫之後理積滯

脉經曰腸澼下膿血脉小留連者生洪大數熱者死

腸澼筋攣脉小安靜者生浮大而緊者死

脉訣曰下痢微小却爲生脉大浮洪無瘥且此

指久病而言

凡下痢純血、或如塵腐色、犬孔開如竹筒者、如屋漏水者、唇如硃紅者、俱凶、如魚腦髓者、身熱脉大者、俱凶、

久痢積滯已去、但腹中隱隱痛不止、乃肺金之氣鬱于大腸也、宜升提藥、加苦梗開之、若脉洪實有力、仍後重、屬餘滯不淨、香連丸、或木香檳榔丸、痢兼小便澀、六乙散、凉水調一服、如神、後重屬氣滯、宿物不得下、宜和氣消積、香連檳

榔等藥或積滯已行後重不減脉無力不食者屬虛宜升陽益氣

後重有虛有實初起積滯未淨者實也勿重

利之日久及元氣素弱人悉屬虛補中兼升

提

後重本因邪壓大腸墜下故大腸不能升上而重是以用大黃檳榔葶瀉其所壓之邪此實也若邪已瀉其重仍在者知大腸虛滑不能自收而重是以用御米殼等瀉劑固其滑收其氣用

亦愈也。然大腸爲邪墜下之重，其重至圍後不減，大腸虛滑不收之重，其重至圍後隨減，以此辨之，百不失一。亦有積已去，又復過食肉麵生冷而後重者，消導爲主。

後重服升消藥不愈者，用秦艽、皂角子、煨大黃、當歸、桃仁、枳殼、黃連等劑。若大腸風盛，可作丸服。其或下墜在血，活之後，此爲氣滯症。前藥加檳榔一枚。後重當和氣積與氣墜下者，當兼升兼消，升謂升麻之類，消謂木香、檳榔之類。

下痢發熱不止左脉數而無力者屬陰虛宜四
物去地黃加芩朮升柴右脉數而無力者屬氣
虛宜補中益氣湯加香連芍藥倍陳皮

大孔肛門也痛乃熱流于下實者清之香連檳
榔黃芩加炮薑脉滑有力中有熱是也虛者溫
之久病身冷自汗脉微小者是也炮薑歸芍之
類古方真人養臟湯加減

日久大孔痛亦分寒熱熟艾黃蠟訶子燒烟薰
之

因寒而痛、燒鹽熨之、炙枳實熨之、丹溪用瓦片
敲錢大、燒紅、淬童便中、急取起、紙包熨痛處、因
時寒、恐外寒乘虛而入也、人參、當歸、陳皮、作濃
湯飲之、食淡味自安、

血痢屬暑毒入于血分、宜涼血、和血、不應兼升
舉、當歸、條芩、桃仁之類、勢盛者、加熟大黃、清之
血痢久不愈、四物加地榆、升柴、阿膠、

濕熱盛于下焦、小便澀少、兼之腹痛後重、脉洪
大而緩者、宜滲濕清熱、桂苓甘露飲、下保和丸、

三四十粒。

脉緩不數、食少、腹痛後重、夜多利下、屬濕與積、
宜分滲消導、胃苓湯加木香、水下保和丸。下
如豆汁者、亦屬濕。

脉弦緊、腹脹痛、後重、食少、屬脾胃不和、有積、宜
平胃散、加芍藥、肉桂、白朮、茯苓、下保和丸。

脉細弱、或虛大、微汗時出、面色痿黃、或枯白色、
倦怠、後重不食、兼腹痛者、屬氣虛、有積、宜黃耆

建中湯、下保和丸。

虛甚者、四君子湯下、久痢年高、產後及病後諸
瘡、疽、病、痢、悉屬虛、補中益氣加炮薑、產後有此
症、稍實者、香連丸、虛者同上法、○諸涉虛者、二
神、或四神丹佳、

脉弱力倦、氣少惡食、但後重不痛者、屬虛、宜歸
芍、苓、朮、主之、甚者、加人參、陳皮、虛回而痢自止
脾虛下陷、後重日久、脉虛大、補中益氣倍升、柴
痢後調補、用四君子、加陳皮一錢、名異功散、或
七珍散、惡甜者、平胃加人參、茯苓、各五、分、

勞痢因痢久不愈，耗損精血，致腸胃空虛，變生他症。或五心煩熱，如勞之狀，宜黃連散，赤多倍石蓮肉，白多倍山藥，二味爲末，生薑茶煎湯調下三錢。○下膿血久，諸藥不效，人參一兩，檮皮炒同爲末，空心酒下二錢。

久痢脈弦細無力，穢積已行，糟粕未實，宜固脾氣，少加瀉藥。訶子肉、豆蔻之類，須佐以陳皮，恐太瀉作痛也。

一法用炒芍藥、炒白朮、炙甘草、陳皮、茯苓煎湯。

下固腸丸二三十粒然此丸性燥有去濕實腸之功若滯氣未淨者未可遽用宜酌量之

如氣行血和積去但虛作努瀆此爲無血症四物用生地倍歸芍加桃仁泥佐之陳皮和胃血生自安

凡後重逼迫而得大便秘者爲有物而然今虛坐而不得大便知其血虛也故用當歸爲主芍藥佐之

若初起腸中有積後重腹痛又惡心心膈作脹

乃新飲食未曾腐熟也。不可遽用涼藥。先消導之。俟下膈不惡心不脹滿。方可攻下。如惡心甚者。先以鹽湯吐之。

噤口下痢惡心不食。俗謂之噤口。是也。古方悉云胃虛有熱。然亦有宿食痰飲挾熱。因下焦不通。泛上而作嘔者。不可不辨。○食滯胃膈必脹。宜先消導。不可遽用涼藥。

脉洪而弱。屬胃虛有火。當用古方薑製黃連人參煎湯。細細呷之。如吐少時再強飲。但一呷下。

咽便開。又方以田螺搗合臍中、以引下其熱、胃中結熱、但當開以降之、人多不知、槩用溫藥、妄謂胃寒、以火濟火、以滯益滯也、亦有誤用熱藥、犯胃而致者、當推明治之、解毒用糞蛆焙乾爲末、清米下一錢七、甚効。

一法田螺一箇、加麝半分、搗付臍中、引熱下行。又法用木鱉子仁、加麝如上法、頻以熱手熨之。又法木鱉子仁搗、以燒餅切兩開、安木鱉合臍中、冷換。

脾胃不弱、頭痛、心煩、手足溫熱、未嘗服涼藥者、
乃毒氣上攻、所以嘔而不食、宜敗毒散四錢、陳
米一百粒、薑棗煎服。

如氣口脉洪數有力者、屬實火、與痰、宜二陳加
薑炒黃連、徐徐服。

又曰、噤口不食、雖曰脾虛、蓋亦熱氣閉塞心胸
間也、俗用木香、則失之熱、用山藥、則失之閉、惟
真料參苓、白朮散、加石菖蒲末、以陳米飲調下、或人
參、茯苓、石連子肉、入些少菖蒲末、與之、胸次一

開自然思食矣。

諸病壞症、久下膿血、或如灰、豬肝色、或五色雜下、頻出無禁、有類下痢、俗云刮腸、乃臟腑俱虛、脾氣欲絕、故腸胃下脫、若投痢藥則悞矣、六柱飲去附子、加益智仁、白芍、或可救其萬一。

時疫作痢、長幼相傳染是也、宜審寒暄分表裏而治。

噤口痢諸藥不應、用石蓮肉、晒乾爲末、每服二錢、陳米湯調下、便覺思食、仍以東壁土炒真橘

皮薑棗煎湯佐之。

一方用黃連半斤、生薑四兩切作片、與連同炒、伺薑焦黃爲度、只取黃連爲末、同陳米飯搗爛爲丸、桐子大、每服七八十丸、赤者陳米飲下、白者陳皮湯下、赤白相兼二湯相合下。

痢後脚漸細、不治成鶴膝風、用蒼朮二兩、白芍龜板各二兩半、黃栢五兩、粥糊丸、以四物加陳皮、甘草煎湯送下、氣虛加參朮、甚者大防風湯、或多以骨碎補三分之一、同研取汁酒調服外。

以牛膝、杉木、白芷、南星、草薢煎湯薰洗。

丹溪曰：痢後痛風，係惡血入臟腑，下未淨復還經絡，不得行故也。松明節一兩，以乳香二錢炒焦，二妙散二兩，紫葳兩半，甘草五錢，桃仁去皮不去尖，一兩俱末，每服三錢，生薑同捍細水盪起，二三沸服。

丹溪治一人痢後痛風，號叫撼隣里，乃惡血入經絡，血受濕熱，久爲凝濁，所下未盡，留滯隧道，所以作痛。經久不治，恐成枯細，以四物湯加桃